

乾隆淮安府志

淮安府志海防敘

淮海維揚州郡所部鹽城阜寧安東三縣皆東臨大海南距斗龍港與興泰連界北抵岡山潮河與海州爲鄰中有黃河射陽新洋港數大口皆通譯船洋面廣濶防範難週潮汐激射伏秋大汛雪浪排天廬舍田畝頃刻不保使無堰以障之則害無底止宋以前黃在北而淮不入運下河一帶支港足以洩水而堰以禦潮頗稱樂土明代淮入運而黃躡之湖水時從西堤而下竟以山鹽高寶爲壑支港漸淤而捍海堰亦多殘缺失修沿海諸邑遂爲巨浸

聖祖仁皇帝惻然軫念特命大臣專理下河廢帑巨萬時靳文襄公見

上憂勤過甚乃建議束水注海之法築堤高一丈六尺河寬一百五十丈各開壩洩下之水彙歸一處達大洋入海上題其言厥後

世宗皇帝暨

今上發帑重修范公堤設立堡夫月堆土牛以時修補又大開串場河於各海口建造閘座命海灘竈民多築救民墩以防不測而各營水師亦飭時加訓練以故海不揚波而倭寇永息猗歟盛哉志海防第七

淮安府志卷之七

海防

淮郡東際海起安東縣東爲淮黃入海之口南岸則阜

甯縣又折而東南至鹽城縣縣距海皆不遠

安東縣治至海二百

五十里阜甯縣治至海九十里鹽城縣治至海一百二十里

潮汐闌入敗稼則畚築

固護不容緩然自六朝以前史闕不可考唐大歷初淮

南節度判官黜陟使李承式築捍海塘自楚州鹽城南

抵海陵綿亘百里障蔽潮汐以衛民田宋開寶中王文

祐增修揚州捍海堰天聖五年范仲淹監西溪鹽倉先

是泰州有捍海堰延袤百五十里久廢不治歲患海濤

冒民田仲淹請於江淮制置發運副使張綸修復論者
難之以爲濤患息而蓄潦之患興綸曰濤之患十九而
潦之患十一獲多而亡少豈不可耶表三上且自請知
泰州而以仲淹令興化董修築之役仲淹謂當移隄勢
而西稍避其衝仍疊石以固其外紆斜迤邐如坡形不
與水爭六年功成因名范公堤長一百四十三里基濶
三丈面一丈高一丈五尺民爲綸立祠

范仲淹張公祠
堂頌序曰惟茲

海陵古有潮堰舊功弗葺驚濤薦至鹽其稼穡偃其桑
梓此邦之人極乎其否公堅請修復厥功績議焉然幾
致中廢公又與轉運使胡公侗儀再列其狀朝廷可之
仍許兼領是郡以觀厥成起基於天聖五載之秋畢功
於六載

高宗紀紹興二十七年築通泰楚三州捍海堰
之春

淳熙三年築泰州月堰宋史河渠志詔築泰州月堰以
遏潮水從守臣張子正請也八年提舉淮南東路常平
茶鹽趙伯昌言通州泰州沿海舊有捍海堰東距大海
北接鹽城袤一百四十二里始自唐黠陟使李承式所
建遮護民田屏蔽鹽竈其功甚大歷久傾圯至天聖改
元范仲淹爲泰州西溪鹽官日風潮泛溢渰沒田產毀
壞亭竈請於朝調四萬餘夫修築三旬畢工遂使海濱
沮洳渴鹵之地化爲良田民得奠居至今賴之自後寢
失修治纔遇風潮怒盛卽有衝決之患自宣和紹興以
來屢被其害阡陌洗蕩廬舍漂流每一修築必請朝廷

大興工役然後可辦今後捍海堰如有塌損隨時修葺務要堅固可以經久從之是年侍制張子正加修范公堤宋史汪綱傳綱知高郵軍興化民田濱海昔范仲淹築堰以障潟鹵守毛澤民置石礎函管以疏運河水勢歲久皆壞綱乃增修之部使者聞於朝增一秩元詹士龍爲興化縣尹請發九郡人夫併築十六月成延亘三百餘里明成化中御史雍泰修范公堤萬歷八年巡鹽御史姜璧請塞石礎口築捍海故堤命鹽城縣知縣楊瑞雲董其役從之

胡希舜記曰出鹽城東門一里許有石礎口故有木橋以便往來久之海溢橋壞萬歷丙子鹽城令杜君善教以興化鉅公主議浚河建橋河通潮大至壞牆水澎湃震蕩盡沒民田一

時居民淹溺者無算於是鹽城父老子弟鼓噪而爭言
塞石碇口矣庚辰歲楊令瑞雲言之巡鹽御史姜公璧
是年題詩塞石碇口修宋丞相范文正捍海故堤而命
楊令董其役自是海潮不得奪堤而上鹽人永無海患
矣乃隣縣興化歲被水籍籍咎石碇口塞之非便請於
當事者固欲開石碇口當事者屢遣諸縣令率丁夫至
石碇口名爲相視實令遂開之楊令以死拒之曰鹽城
萬民之命皆懸石碇口諸君如遂開變隨手至矣諸君
何以謝鹽城則又借箸畫地形曰夫地形若鬴腹中
鬴腹也鹽地高如鬴邊鬴邊卽張其口安能洩鬴腹中
水哉諸令皆負空手而去於是石碇口卒不開論曰隆
萬以來河淮南徙淮揚諸郡縣歲蒙水患自頃築高堰
障水不來然非大開水口莫能洩也就知諸海口可開
石碇口則不可開何者石碇口薄城所憂不獨在田也
昔范堤之築本以捍海潮今者塞石碇口築長堤最符
范公始謀然范公堤外多居民每受海患楊公則遷其
堤包居民於堤內功德尤鉅嗣來
者幸無令鹽人興汝南之歌哉
十年總漕都御史凌

雲翼題准修築范公堤建洩水涵洞水渠一十七處石

貽一座十五年巡撫楊一魁以黃淮交漲而舊閘洩水
不及山鹽六邑田沉水底挑濬廟灣射陽湖等處河道
水有所洩范堤乃固民竈兩利十六年鹽城令曹大咸
修范公堤張試記畧曰鹽城爲淮郡屬邑其治距海一
代有建畫志不盡志惟宋范文正公監鹽稅時嘗請諸
朝築堤於通泰海州境以衛民田鹽邑實居其間故堤
今尙象公姓隆慶乙巳黃淮兩河水溢潰上堤奔匯於
鹽鄰邑實與同患有柄議開海口於鹽治東洩水良便
者鹽人習見水道懸阻徒捐力費無益拒之不得遂鑿
堤抵於洋涯時萬歷乙亥也旣而隣患水如故鹽自是
兼受潮貽患始益深矣及庚辰春前令南海楊公瑞雲
力控當路修復之其有造於鹽甚大胡侍御爲之碑厥
後丙戌夏淮水復溢溢范家口而下鹽害愈劇前修復
堤潰潰如潭者二郭之東直廣惠碇北直大通碇河海
激蕩勢幾及郭民情洶洶明年夏江陵曹公至議築之
會歲旱不果今年春哺饑稍暇乃列興廢利病狀上之

院道若郡皆報可於是飭材庀工乃湮乃築再旬而兩
潰堤告竣復沿故堤迤邐五十里所爲之補斷增卑培薄
崇堤屹然鹹淡有截廣斥
敷朕自今以始歲恒登矣

國朝順治九年修築范公堤安東志名古淮堤堤從廟灣沙

浦頭歷鹽城興化泰州如皋至通州界止共長五百八
十二里沿堤墩臺四十三座閘洞八座此堤束內水不
致傷鹽隔外潮不致傷稼乃濱海一帶之屏障雍正十
一年修築范公堤又於堤內建築越堤一道雍正十年
奉

上諭命學習河務內閣學士西柱督修又蒙河院嵇 奏

請沿隄添設埽夫交管河縣丞督率每月令堆積土牛

以補殘缺乾隆五年

欽差大臣

汪德

題請修整疏畧云沿河范堤綿長三百餘里

係鹽場之保障內地之藩籬逼近海濱卽有去海稍遠者潮大之時亦漫至堤根現在堤身单薄殘缺處多不足以資捍禦應分地勢以定堤身高下相應加築寬厚以資鞏固內有逼近場河之處卽將挑河之土加築夯礮一律修整

天妃口

鹽城縣北門外二里卽新官河入新洋港之口舊河寬二十七丈爲七邑洩水之要口所患者

遇早年及秋後潮汛鹹水越口而上苦不可飲由不可灌甚則漫溢民田土不可耕是西水者七邑之所同受鹹水者又鹽邑之所獨任也屢議建閘率以河形甚濶土壤浮濡而止乾隆三年陞任前令衛哲治

<p>力請巡撫許疏請建閘立斗門五磯心四濶九丈斥鹵之患從此可免又慮西水暴至宜洩稍濬另議于稍北天妃宮後建越閘斗門三磯心二而蓄洩兼利矣設閘官一員閘夫二十名以司啟閉</p>	<p>石礎口 治縣東門外一里入新洋港萬歷四年知縣杜善教請浚河建閘河通海潮湧至壞廂傷田廬萬歷八年巡鹽御史姜璧奏請築塞仍於石礎南別置閘以脩潦焉國朝雍正七年欽差陳鄂仍請立閘與上岡草堰二閘先後建築乾隆六年重修統歸天妃閘官經管設閘夫八名</p>	<p>上岡口 治北四十五里上岡鎮原建閘於穿場河西岸今移東岸設閘官一員閘夫六名</p>	<p>草堰口 治北七十五里草堰口建閘今移劉端浦二閘俱雍正七年創建乾隆五年欽差汪德移建今處設閘官一員閘夫六名</p>
--	---	--	---

阜甯縣原有廟灣海關徵收海船稅貨兼以稽察沿海出入

鹽城營

防海原設遊擊一員 守備一員 千把總三員 馬步戰守兵六百四十七名 沙船四隻

巡船四隻 水師巡哨新洋港口

小關營

防海新設都司一員 把總一員 馬步戰守兵二百名 沙船二隻 唬船一隻 快船一

隻 巡哨野潮洋及射洋湖南岸海口

廟灣營

防海原設遊擊一員 千把總四員 馬步戰守兵七百六名 沙船五隻 唬船四隻 巡哨

射陽湖北岸海口及黃河南岸海口

佃湖營

防海新設都司一員 把總二員 馬步戰守兵二百五十名 沙船三隻 唬船二隻 巡

船四隻 巡哨黃河北岸海口

按鹽阜安三縣各海口因黃河挾萬里沙泥入海而海中潮汝仍推擁上岸故黃河口外有五條沙灘潮退則沙高于水故洋船不能徑入此天賜之險也

論曰河防尚以防水而海防兼以防盜前明倭寇
頻爲濱海之患而廟灣乃其出入門戶故特建立
城池設遊擊統兵駐防又設海防同知一員兼管
海關所以靖海氛衛民生也今沿海一帶雖設有
鹽城小關廟灣佃湖四營戰船水師更番巡哨而
海防廳已移管河務幸廟灣添設阜甯縣文武共
濟足資彈壓而范堤各閘座遇警堅閉卽有射陽
黃河南大口可通出入而外有五條沙環繞限阻
內有各營汛聯絡星布島嶼宴然生民樂業以此
防海固儼如長城保障豈但潮汐不驚而已哉

淮安府志水利敘

周制九夫爲井井間廣四尺深四尺謂之溝成倍之謂之洫同謂之澮達於川蓋重溝洫所以康田功也然必大川莫而後溝洫可興淮郡在昔獨爲淮水入海之區鑿支渠課農桑號爲沃壤自黃徙滙淮潰決頻聞凡浸澤潄水之所旣爲淤沙填塞容納無地而黃運洪澤身日高仰六邑井里阡陌形同釜底此田多沮洳而民易流亡也嘗觀浙西之地至爲卑涇而吳越及宋南渡時置撩淺軍七里爲一縱浦十里爲一橫塘因塘浦之土以爲隄岸董以大吏一二百年間水災僅一二見農桑

遂爲天下最法至善也淮郡多旱田圩田悉苦於水若多浚廣濶之渠以泄停潦築高厚之圩以捍橫汙而於可引活水溉漑鹵爲稻田者鑿渠以通之傳置官司不吝重費安見淮南頻水之鄉不變爲浙西哉

皇上軫念淮揚重罹水患亦旣出少府金錢廣興水利司牧者敢不遠覽博詢力求古人高田低田制水之法變而通之逋徙之民其有瘳乎志水利第八

淮安府志卷之八

水利

山陽縣

澗河相傳宋時所開古名菊花澗上承諸岡澗之水由
新城東關至北澗南澗經井塘至黃浦之澗河下
接壽河出涇口歸射陽湖入海此古澗河也民田賴
以灌漑兼泄城中積潦自黃淮衝決故道堙淤明嘉
隆間漕撫王公宗沐環城築堤甃石岸四十餘里以
防再決而郡城內外積水不能宣洩乃另開澗河起
聯城門外龍王廟東盡於壽河寺長三十里澗六丈
深一丈直下壽河名曰大澗河卽今澗河也又建閘
於郭家舍以脩蓄洩委義官守之歲餉以金二錢又
歲取淮安府四稅銀二百兩爲繕修費後因范家口
決河復涇汭萬歷二十一年總漕李戴委郡守馬如
龍濬治深澗如前於是上洩積水民得安居下通鹽
邑漕糧以及海濱貿易魚鹽鮮蛤葦薪之利民用資
給未數年郡守劉公大文重加挑濬給事中郡人朱

維藩有記天啟四年郡守宋祖舜復浚

國朝初年深通如故自黃流分入澗河淤高反閉水關

以防倒灌自後但經積雨三城低窪處沉竈產蛙康

熙三十二年漕督興永朝下令大挑澗河工甫半興

衆召還其工中輟三十九年奉

旨挑澹捐工者原任大名道陳世安也六十年奉憲起民

夫挑澹此河上承城南楊家廟興文岡引運河之水

經寶帶河下接聯城東門外澗河經車橋至流均溝

下馬家蕩蜿蜒百里兩岸支渠無數皆股引澗河之

水以溉田近年澗河所溉之田數千頃稍次涇河稱

膏腴焉舊有龍王閘以洩三城積水入澗河乾隆入

年挑浚市河深通澗河身反仰市河村民覲改旱田

蒔稻呈請開龍王閘反引澗河之水北入市河數年

來所改田無幾而龍王閘一開洩澗河之水十之七

澗河百里膏腴苗皆枯死且石塘以東淺澗客舡不

至薪米百貨翔貴乾隆十年十一年郡守衛哲治知

縣金秉祚力持堅閉龍王閘之議東鄉頻年大稔要

之龍王閘固不可開卽小河口亦不宜開水一旁流

河深必淤而河委之涇口必塞薪水之路不幾絕乎

明郡守邵元哲重濬澗河碑記曰郡城東有澗河其

來已久蓋上洩三城之瀦水而下通濱海之舟楫厥
利不細歲久湮淤二鉅不易舉問常稍稍濬導而黃
流一漫沙田復平陸矣支河既壅新漲駕出民愈益
苦水督撫臨海王公乃環城築長堤數十里黃流不
復入而三城揺霖既集以堤故內水復不出病涉者
衆乃謀濬河庀工度地濶四丈深七尺長三十里
東通射陽湖以入海建閘河淫以脩蓄洩慮無典守
者則偵察無專責于是牒義官張尙志汪鷺守之歲
餼以金人各二緩又慮新開之築易壅易潰令歲取
本府楮金二百兩脩繕修之費他工不得移用今年
夏潦城中水冒塗啟閘東下立洩之盡不惟居民免
寒裳之患而海濱一帶柴米魚鮮連檣于于來抵郊
關矣渠既成敬識其事于石且以告夫後來者萬歷
二十二年郡守馬如龍重濬濬河碑記曰淮安城東
原有濶河一道肇自宋人疏納三城積滂通達各鄉
舟楫厥利匪細歲久塞淤萬歷三年間議於本府四
稅銀內每年動支二百兩爲歲修之費著爲定規後
因黃河溢湧范家口大潰往所浚復湮塞成渠民稱
不便二十一年採鄉民在勲等議會勘地勢自龍王
廟起至壽河寺計長三十里原有河形逐一撈浚面

濶四丈底濶二丈深七尺本年冬十一月工完越明年春復自壽河寺下接車家橋東至射陽湖計長二十里零二十丈開浚深寬如前式前後皆用營兵供役量於本糧外里給歲積銀十兩共用銀五百兩有奇復於城西興文閘開一涵洞引漕流由城中與市河聯絡入於本河又於河滙適中處地名郭家舍建閘以備蓄洩仍行山陽縣佐貳官一員專管歲修每年秋月勒限浚河務使兩岸城堤令各庄頭栽柳三萬餘株且年加查補卽歲修銀兩不敷不妨請動以求永利取具釘記椿界一有淹溢許諸人首告賠沒工成之後適值秋霖城無停浸沿海一帶魚鹽荏葦之利連楫而來業有成效歲修之令委不容緩非樹貞珉曷克垂久爲此敬志顛末以告後之人司此土者萬歷二十七年給事中朱維藩重濬碑記曰淮陽一郡首重東南版圖生齒夙稱繁阜嘉隆以來夷患繼作水道失經疏治旣煩凋瘵斯極矧河性之遷徙不常群緒之積潦難舉全淮之四境但見水之爲害而不知水之爲利濶河距郡之東隅雖河流之一支而實三城之尾閭也有宋以來治者非一而屢開屢塞終鮮永續往歲大中丞臨海王公來撫此土築

高堰濬潤河二役特屢檄盡適博平劉公守郡首事
咨詢洞悉肯綮謂是河之治未見成功者以取道之
紆迴程督之鮮實也于是躬親相度採集衆議定爲
碩畫允協輿情又慮官帑告竭民鮮益藏于是檢査
舊贖取諸歲修不敷則以河餉佐之務期足禪工務
分毫不擾民間遂遍請于上司屢經覆議而後報可
乃檄郡幕邑佐暨諸營率分疆修浚擇吉興工神人
協謀畚鍤並舉不閱月而報成功亡論瀕河沮洳易
爲平濤而濱海一帶芻穀魚鹽之利尾啣貫輸于郡
城之下商賈牙俗不召而集櫓聲棹歌旦夕相聞我
公之善政善教于斯見之矣

寶帶河

明萬歷間邑紳禮部郎中張世才等率士民請
開濬城南寶帶河形如環帶三折廻抱起自楊

家廟與文閣承運河分流之水至巽方轉北行又往
西過小弔橋馬福橋北行轉東過大弔橋龍王閘抵
龍光閣下長流北流過韓家橋至聯城東閘外接潤
河于郡城風水大利自黃流淤墊河底日高城南大
教場及壘壘墳墓皆受水害須自興文閣起將寶帶
河深挑使水不旁溢然後議開巽閘以疏通郡城生

氣此水利
之尤大者

故城河

古壽河也吳任臣十國春秋吳本紀曰楚州山陽境東有壽河唐景福初楊行密遣將張訓李

德誠敗徐州兵于壽河遂取楚州卽此舊在治東南五十里西南接黃浦澗河之水東入射陽湖明宏治間嘗挑濬以達與鹽高寶等處萬歷二十一年漕撫李公戴浚澗河次年復自壽河寺下接車家橋東至射陽湖計長二十里開浚深寬如前今車家橋以南有小澗河一道分流溉田以達於湖亦壽河支派昔涇口淤淺澗河幾至斷流水曾從小澗河而去

市河

上承舊城西門興文下關分運河一綫之水貫文渠經南市橋入字通便等橋兼洩城內積潦出北

門轉東繞夾城內出阜城關明代下澗河近浚通城外市河蜿蜒東去七八十里下注馬家蕩入射陽湖先年挑濬而僅寬一丈至一丈五尺不等底寬六尺深三尺至六尺不等淺窄不足資宜洩乾隆五年府縣據士民呈詳請發帑興挑亦未深通乾隆八年邑令金公秉祚詳請開挑起東門阜城關至馬家蕩長

一萬四千五百七十八丈面寬四丈至六丈底寬一丈五尺至二丈深三尺五寸至一丈五尺建木橋三跨河上利行人檄檢校遲維執等董其役用帑二萬二千八百七十七兩零兩岸田畝需僚得以宣洩連年旱田大熟惜無有源之水若永利閘不計堵閉從禮字壩新閘上開地十丈作洞通新城城河分漁濱河之水直達市河于南數武築壩一座防水走入城河令畢注市河東下又將後史家蕩直東小市河大加挑濬深濶以河內取起之土各離岸三丈加築堤堰以資保障使田中積潦歸槽宣洩迄左鄉南分界溝達蕩則大小市河各岸百里之田盡可改爲秧田數千頃淮民足食之計此爲最鉅若開放龍王大閘分濶河之水耳利病已見濶河條下所恨求利關于農田需水時堵閉日多不能求達全開致漁濱市兩河各岸可改膏腴之田約計萬頃終爲斥鹵之地有志水利者其畱心經畫乎至城內市河若尋明代遺跡凡城河岸之狹者拓之橋之俯者隆之疏濬極深請將南門外太平小石閘脩建開放分洩濶河之水由護城濠河會入阜城關市河以資灌溉復開吳關收小金門微引餘水與興文閘西來之水津脈注絡

交會出北門水關城內盡皆活水舟楫通行利一流
去穢污潯暑鮮疫癘可免重脰之疾利二導引秀水
環抱泮池生意盎然科甲蟬聯官此土者遷擢必速
利三郡多火災流水厥勝防禦有資不致憂燬利四
小澗河治東古壽河支派也下分數支陳家河曰樊家
柳城入射陽湖鹽邑運道由此近多淤淺農民仰望
疏濬甚急乾隆九年郡守傅椿委官估勘未及行
牛神河治東南分溪河之水逕固城耑柳城東并入馬
守委官估勘未及挑濬

逕河治南五十里分運河之水通塔兒頭金吾莊趨射
陽湖東北八海穀運漲溉田畝兩岸曰號為膏腴
以流澗而田高麥秋兩稔不虞旱潦長八千二百五
十丈而澗五丈底二丈五尺深六尺考宋史地理志
淮安軍本泗州五河口注云置有漕涇馳崇淮五河
故名按此則逕河始自宋無疑明正統五年修涇河
壩以通舟楫景泰初郡守邱陵建牐置倉交兌鹽城
諸縣漕糧久之倉廢牐存厥後時塞時開萬歷二十

旨挑

二年河漕都御史徒建肇牘南河郎中李之藻重修康熙初同知王全春改建一牘其工極堅後因運河淤墊每開牘蓄水濟運民田求水不得及夏秋運河泛濫則牘板盡啟水勢瀾漫可患二十八年開因牘地暫閉水不行者十年三十九年總河張鵬翮奉挑浚捐工者原任御史張星法也河成牘亦另建乾隆五年欽差汪德查勘河身淺窄題准疏浚自開口至南審計長八千八十一丈五尺寬五六丈接南審下分挑支河二道一入安豐河長一千六十六丈寬三丈一入太倉支河長一千五十五丈寬三丈俱入馬家蕩

活洞河

運河東岸舊有頭淺活洞六座二淺活洞二座三淺活洞五座又風水活洞二座每洞下有渠

一道引運河之水灌溉兩岸田畝號為膏腴尾閘從溪河入射陽湖但需水時即堰缸過盡猶閉洞聲言刷河兩潦暴漲田中積水未出即滿開洞稱為洩運漲致苗沒于水不知洩漲有竹絡壩口門數十丈何假于一二尺之洞口乎河身由積沙墊高來水滔滔不能剗深斬此涓滴何濟于事昔人于活洞令民築

民修看洞老人聽田戶簽報洞之起閉悉聽民便其
意深遠矣陳鵬年爲河督飭十三涵洞分上下截五
日開五日閉上下通互著爲例猶得古人重農事之
意洞下各渠向例數年一浚近數十年不浚渠身淺
窄旱則水不足溉潦則易泛溢淮人農事情
縱此其一證也運河西岸亦有涵洞四座

北溪河

上承各涵洞之水匯于此河過高壩橋七孔橋
東驚下蕩入于射陽湖淤淺已久涵洞兩岸之

田一遇霖潦水難驟洩膏腴漸變低洼前郡守朱奎
揚詳請起民夫挑浚有重濬北溪碑記但七孔橋以
上田皆上腴兩熟利於浚溪河七孔橋以下多圩田
另有洩水河不用此溪洩水彼時不分肥瘠利害一
槩照畝派夫圩田受害代腴田挑河洩水此爲未協
輿情耳十一年郡守補哲治復加疏浚詳請十年一
大挑五年一
撈洗著爲例

南溪河

卽黃浦溪在涇河開南十里爲山陽寶應交界
原無溪明時高家堰潰決此地當其衝屢塞屢

壞若有神物憑焉溪口深莫測萬歷七年總河潘季
馴旣築高堰而壩黃浦水竭根見一夕雷雨摧裂忽

有穴深丈餘廣二十八丈中有首骨狀如馬首復得齒角筋骨愈曰龍也遂名其地曰蛻龍潭堤成王世貞爲之記後於堤上建雙闢以洩運河吳漲屬寶應縣晉溪之下爲河半屬寶應半屬山陽自黃流淤墊河心日高民田積水難出愼於挑浚曲防加堤爭訟不已康熙三十六年運河水漲闢傾溪河不能容兩縣民田受淹三十七年將闢永閉而溪河淺狹難洩田中積水後復修闢以脩運河宣洩近則闢圯河淤乾隆八年估勘入緩工未浚運河漲則開運河西岸竹絡壩西鄉民田多付波臣若將此河大加深浚建闢以洩運漲則西鄉民田可少紓水患而此河兩岸之田亦不致積潦無宜洩之路矣

故沙河

俗訛烏沙河南河志畧云在郡城西迤智信二壩以脩車盤貨物入外河久湮廢蓋由東至北

轉西達於運河其故迹也今烏沙河在郡城西引運河之水從永利闢進水北至利濟橋西分一支西北去達三壩口鹽河一支東去逕利濟橋石橋抵三孔石涵洞曰烏沙河猶故沙河遺跡此河之西岸有山子湖霑雨積潦亦藉此河宣洩乾隆八年奉

音

挑濬起自永利闢下至三孔石涵洞長一千一百七十

二丈面寬六七丈底寬二丈五尺三丈不等深一丈至一丈七八尺不等閘座重拆建用銀三千六百六十九兩零

鹽河

治北大河故道也明宏治後河淮交會下清江浦衝相家灣西橋遠過新城北門外運仁義禮智信

五壩有礮隄薄城之患萬歷四年兵備副使舒應龍建議由草灣開河以殺其勢屢塞屢開行三十里復與正河會厥後南灘水緩沙停逼大流盡歸草灣新河去城甚遠于是故道悉淤三城恃以無恐河灘變爲鹽廩尙存舊河形如溝長二十餘里自鉢池山後抵新城北門外東壩止爲今日鹽薪要道土人呼爲鹽河本來無壩因蓄水運鹽而設乾隆八年因奉諭烏沙河漁濱河灌溉民田而鹽河底仰走水鹽船難行於是築入水利工程南至烏沙河分流處西北至草灣三壩曰鹽河長二千五百丈濬河面寬六丈底寬三丈深八九尺不等用帑九千三百八十一兩零

魚挑

魚變河

俗訛魚濱河在郡北運河東岸有永利閘引運河之水入烏沙河東爲漁濱河經鳳谷邨達青

旨批

溝夾河注馬家蕩長百里前明兩岸皆稻田號爲膏
原自鹽分司移駐河北犁鹽于是從烏沙河尾西北
鑿河一道抵草灣三壩名曰鹽河以運鹽艘緣鹽河
底高于魚變河三尺難以蓄水商人于魚變河頭砌
石涵洞三孔鹽河無水則將三孔堵塞灌滿鹽河開
三孔放水奈洞流微細魚變河漸淤填淺狹兩岸無
活水遂爲旱田因地勢坦平伏秋水發多滄沒人民
逃散疊蒙捐賑山邑凋瘵由此乾隆八年奉
旨批浚自烏沙河三孔石涵洞起馬家蕩長一萬八千三
百二十五丈六尺兩次用帑銀十二萬兩零永利開
亦重拆建乾隆十一年本府衛詳請拆去三孔石涵
洞建裕民閘一座下板三層蓄水入鹽河餘水從板
上滾下入魚變河灌漑民田長川開放奉三院批
准兩岸民田萬頃盡收稻田每畝麥稻三四石可得
三四百萬糧食富民之術莫大於此緣向例永利閘
啟閉書役汛兵關夫等商人皆有陋規百計阻撓乾
隆十三年本府衛通詳長川開放奉河憲周批山
邑永利裕民二閘每歲重運經臨即便堵閉尾幫完
竣啟板放水勒石閘旁永定章程不必預定期限令
裏河主簿專司啟閉毋得役時仰淮揚河道轉飭道

照

羅柳河

治西北隅自明季加築汰黃堤而堤內積水不能洩萬歷間郡守邵公元哲買西湖嘴更樓外

厠宅一段自西北迤邐穿渠導水出空心街引入城河東下澗河其山子湖積潦悉由此出歲濬工力責湖旁百姓擅水利者趨事立碑行久後因河淮潰漫山邱二湖水大漲三城處其下築壩拒之號三城壩水積而不行者三十年天啟四年府縣採士民公議於壩中置解阜洞隨時啟閉立碑定約久之淤塞西北數萬家僥倖偷安康熙九年山邱湖積水漲滿壩潰溺死者無數方悔洞塞之故然必澗河挑深使水有出路而後羅柳河可疏必羅柳河深挑使水有所容而後解阜洞可啟今此河尙存止洩山子湖水起自三城壩由朱家橋入新挑溝至楊家溝東行歷四板橋轉至來鳳橋過中街邵公橋南轉出更樓外由空心街匯聚于郭家墩洞水處東行轉南入聯城水關會城中水東轉一出夾城隍關一入新城南水關出北水關下澗河此故道也一說宜挑濬新城北門外舊濠及西北隅遺字橋則羅柳河之水易洩但由

禮字壩至新城北門外濠形稍亢昔年水不能行今市河淤淺水勢甚高急宜挑浚以蘇民困則西北積水得洩民居平土利一水落湖田盡出利二園畦亦無淹沒利三康熙四十七年郡守姚公下令開挑拆去紳商樓房水路通行

劉家河

治西北上承安東縣高家蕩等處之鮑營河宜洩上遊西蕩姚家庄之水年久壅壅成平陸停

潦散布迤北一帶田畝農民用苦乾隆七年邑令金秉祚採士民議詳請開浚起王家田頭至鮑營河計長三千五十六丈面寬三丈至五丈底寬一二丈深三尺至五尺用帑二千一百四十五兩零田澗可耕永濟河一名新河治西南十里自運河西岸楊家廟起達武家墩明萬歷九年清撫凌雲翼開挑以脩清江浦黃河齧隄之虞未幾清江堤焚石運艘仍由正河行此河徒費民力無用而河西民田水不得出終歲淹沒經前邑令孫肇興建伏龍洞以洩之卽地洞口是也久之亦湮康熙二十五年續題河工善後事宜復循故道增挑以運高堰大工物料則河旣不可廢宜於西南接洋信港故道開浚建閘以脩蓄洩

蓄則開閘以運工料洩則開閘放水由洋信港入白馬湖而引五孔橋新挑河之水入於永濟河亦建閘以備蓄洩兩邊多設涵洞以時啟閉則百餘年之害可除而此一閘之水利可興也

運料小河

自高澗禹王廟前迤周橋順水堤長三千二百丈五尺口寬八尺底寬五尺康熙三十九

年開浚四十一年復浚六十年又浚

范公河

清江浦有古河在磨盤口朱乾道時所挑其迹埋矣明末鳳泗流寇熾甚淮安戒嚴船政同知

范鳴珂循故迹挑河劃守土人咸之因以名河達普應寺前抵治西南楊家廟康熙十六年後因河口水勢太甚欲減水保堤乃從文華寺下建五孔橋減水壩一座壩內挑河二道一達楊家廟一抵清江浦然運河底高水不能出又南開永濟河宜於永濟建閘開浚洋信港引水下白馬湖以免泛溢

漢河

治西南八十里古名柘塘有秧稻魚蟹之利環遶皆水壩烟相望自高良澗周家橋衝決田園漂蕩後高堰修造城壩水不漫溢田園可耕其地與白馬湖相近古有河承洩周橋開壩之水東歸運河今運

河底高水不能出安所謂水
利哉運河重挑向俟之異日

洪澤湖

治西南九十里山陽清河泗州盱眙四界相連

澤鎮

本古淮浦縣地淮水經其旁當未成湖時爲洪

之驛

舍也有洪澤縣洪澤橋市廛商旅所輻輳也東

北通

富陵河卽古富陵縣後漢書稱於明帝時淪爲

麻湖

南通白水塘有三堰以障水護田堰不治則洪

澤沿

淮受害宋魏勝守淮運糧至此出閘元初置洪

澤屯

田萬戶府引塘水以灌民田明初因之自白水

塘不

修水無所制漚成洪澤湖民田盡付汪洋又自

宋元

迄明黃河往潰決入淮久之遂成巨浸於是

會萬

家湖泥壑湖富陵湖總爲一湖幾與雲夢震澤

相埒

西風一吼波撼長堤故高加堰遙南最爲險工

漕糧

運道所關淮揚民命所係而田之沉廢又無論

也康熙

初年間湖水環堰東趨潰清水潭泮沒七州

縣後

雖高堰加築建減水壩以殺其怒漲之勢使正

流仍

出清口然自明以來黃樓決入湖並黃河城壩

之水

湖身塋高丈餘又豫省祥符七邑水導引入湖

湖非

昔日之湖而水日增况黃淮有時並漲清口宣

水利

洩不及則高堰危自清水潭決後繼此而潰者古溝
凡四郭家圩一夏家橋一唐梗壩一善乎張鴻烈之
言日黃淮強弱不定終難保其無事必俟河
淮分流清口永無剗灌方能復當年之舊也

白馬湖

治南六十五里隋書地理志安宜縣注曰有白
馬湖安宜今寶應南河志畧云去寶應北十五
里與山陽接壤昔受洋信港之水今高堰減壩水下
苦高郵車邏等壩不多開放入下河則高寶湖逆漲
人白馬湖而西鄉漢河
一帶田畝盡被淹沒

山子湖

舊有邱家湖因鉢池山積水不洩遂成山子湖
亦稱邱山二湖紫洞數里居者以緯蕭捕魚爲
業自商家築鹽河東壩以蓄水運鹽而三城壩之解
阜洞常塞不開邱壩田周俱沉波底雖造故沙河閘
由刁家嘴可放水下運河奈運河底墊高湖水仰面
不能出惟俟沒鹽河極深將東壩下造一小閘水小
則閉以濟鹽大則啟以放水庶商民兩利又必俟洞
河重加深挑而後解阜洞可啟必俟運河重加深挑
而後故沙河閘可啟此郡城
西北水利之當亟講者也

白水塘

治南九十五里古射陂也本與盱眙蘆溝山破

亦潤至南唐保大中御史田敬累請修塘馮延巳以爲便李得名因請闢曠土爲屯田有司奉行不善或奪民田爲屯田民大怨徐鉉爲巡行使矯命罷役捕諸害民者誅之宋嘉定間議修三堰日潭頭下堰日河喜中堰日劉家上堰三堰既治則塘山四十里之水乃滙爲白水塘且障洪澤諸水不能東侵淮揚有入斗門以溉塘下腴田二千餘頃若三堰不堅或決則沿淮皆被其害塘東屬寶應西隸盱眙北屬山陽按此塘久不修復塘山豁濶之水總歸洪澤迥非當日舊制矣

青州澗

治西南七十里宋神宗熙寧九年劉瑾言楚州

從之是宋時已有此澗東入白馬湖西入高良澗以達于周家橋翟家壩年久積淤乾隆八年奉

旨疏浚

自高澗迤東潯河起逕伊家庄入白馬湖長七千

六百八十

八百八十八丈建橋四以通行旅用帑銀五千五百

二兩

唐家澗

治西南自高堰二堤趾下至白馬湖邊長七千六十五丈又支河一道長一千九百五十九丈

旨疏

宣洩積水乾隆八年奉
至六尺河勢陂削如建瓴不阻滯跨四

木橋用帑銀七千四百六十四兩零

洋信港

在永濟河西南當河未鑿時前有小河一道洩西湖湧水南人白馬湖兼可溉田河鑿港淤西

湖積水難洩田多沉沒是以有伏龍洞之鑿也今伏龍洞久湮洋信港亦淤惟永濟河改稱運料河清江

浦之舊徐家湖水不能洩

溫山溝

治西南運河西民田積水賴此溝注入白馬湖久湮淤河西田千餘頃東抵運河堤西阻護城

河堤新築之橫隄障其南運料小河之撐隄峙其北霑雨驟至四面無走注之區波濤洶湧冒沒民田農

旨疏

人向已蒔之苗頓足隄涕非一日矣乾隆八年奉
浚給帑銀一千九百三十餘金首平橋迤西譚家圩

迄白馬湖溝長三千七百二十八丈口寬一丈八尺至二丈底寬一丈深二尺至六尺引上游積水入溝

出火又開達湖
浚成頻年豐稔

頭二三井下水溝

治西北黃運兩堤夾峙民田居其中
伏秋霽雨消注無所乾隆八年興修

出帑銀一千二百五十餘兩首黃河運堤趾抵運河
堤趾鑿下水溝口寬二丈四尺底寬六尺深五六尺
長一千二百二十一丈穿運堤置走水石涵
洞值運水長卽開洞堤內瘠鹵遂爲腴田

楊家廟洩水閘

治南洩清江浦運河南一帶民田積水
舊閘門僅寬三尺而自西至東數十里

之需潦消減不及乾隆八年詳請將金門改寬一丈
閘牆加高二尺四寸於護城河北堤林家圩薛家圩
又建二木洞口門各寬三尺高三尺畝畝間水從一
閘二洞走注遂無停潦帑銀一千二百餘金費少而
民利甚大

草子河北岸順水堤

治西南河長五千五百四十二丈
入青葛寶應二湖洩民田積水隄

自周家橋大堤迄白馬湖邊長一萬一千三百三十
七丈禦洪澤湖三滾壩城下之水以衛民田年久圯

薄乾隆七年古溝決冲突殘缺應修工長一萬一千二百三十四丈相地勢或增築或幫紮一律牢緻置涵洞十二以時啟閉帑銀一萬九千二十五兩零堤築後民田歲免壩水冒沒之患

洪家圩橫堤

治西南濱白馬湖凡洪澤湖漲溢水從各

開則諸湖水倒漾上泛白馬湖湖不能容遂北浸沒數十里民田立郡西門堤上西望波光接天皆白馬湖反漲之水春間農人栽秧不敢必築塲之日也幸而劉禾則大喜過望乾隆八年

欽差

大臣採士民議築攔水橫堤請帑二萬七百九十餘兩自山寶交界望河西堤抵護城河東堤尾長三千七百二十六丈又自護城河西堤尾抵花家集雙鳳橋長三千八百八十二丈相地勢高下築頂寬一丈至一丈二尺底寬二丈至四丈五尺高四尺至一丈于是湖水不能上漾又恐隄內濡潦走注無所因於東堤之火叉溝西堤之魚籃溝二處建洩水石閘東堤之湯家溝西堤之柏家溝鮑家圩陳家庄各建洩水涵洞相機啟閉堤成頻年堤內之田有收乾隆十一年秋減壩水大至波濤洶湧新閘遇水堤幾潰知

縣金秉祚督民夫晝夜撿建越壩壩成堤獲保鞏是秋堤內田大稔

伏龍洞

明運河以西田皆膏腴有當道以私械鑿永濟新河自楊家廟達河口東西築堤積水無所洩

田沉釜底邑令孫肇與周覽咨嗟喻父老曰吾欲乘挑河之隙穿漕河底使漕堤以西之水從澗河東洩於海若輩能以舂鍤助乎遂捐俸構良木請鄉都閭何世爵董其事爲木洞中空高廣各三尺長三十五丈橫掘漕渠而瘞之名曰伏龍洞西出西堤以吞東出東堤以吐洞上鑿石石上加土穿漕渠底濬堤東爲渠引水入寶帶河達澗河于是河西千頃之濤復爲良田

吉家橋河

乾隆十一年知府衛哲治輯勘詳請督憲尹公題請疏浚以洩民田積水

鹽城縣

新洋港

縣北門外二里出天妃口達海名新洋港舊淺

年夏卽淤重復再濬當時止面濶四丈底深一丈耳

今此港面濶十五丈至二三十丈底深二丈及三

新官河

治西七十五里其水由大蹤湖東北流出天妃

史科給事祝世祿奏稱淮從廣洋湖至射陽湖入海

廣洋湖濶有八里而射陽湖濶僅二十五丈迤邐至

海長三百里迂回淺窄高寶七州縣之水注此一線

宜洩不及卽苦滄沒而淮又東注焉田廬鹽場必無

幸矣廣洋湖東有一湖名大湖湖北有舊官河直至

佳女府志

卷之八 水利

三

由江官巷至岡門東五十餘里挑挖深濶直達新洋港入海七邑湮沒之田從此節次陞涸

東界河

治西南八十里與興化縣分中流為界其水自大蹤湖入口東流七十里至劉庄岡歸闕龍港

入海分東北流從穿場河出石碓口界河淺狹雍正七年

欽命

今大學士原任山東巡撫陳 耶中鄂開濬下河由

五龍口挑至劉庄計五十里乾隆三年巡撫許 等

奏准首闢界河之未開者俾興泰等處之水注於大

蹤湖未入新河先入界河興鹽之民賴之乾隆九年

再浚

南穿場河

治東南二里其水自泰州海安霸至劉庄場入鹽境出石碓口康熙四十五年都統孫渣

齊督浚雍正七年

欽差

庫 鄂 再浚乾隆十年又浚

以上新官河出天妃口東界河南穿場河俱出石

碓口而縣境內西南一帶之支河又俱入此三河

故三河者各支河之尾閭與水利者專意於此最

得古人治水先治下流之遺法

東官河

治西南六十里其水南接興化西接界河由界首鋪入口合西官河至涇口入新河乾隆九年

挑濬

紀家港河

治東南南白興鹽界起迤東至穿場河拾頭角長二十八里乾隆九年挑濬

西官河

治西南五十里其水接漣溝河計十五里合流於東官河乾隆九年挑濬

射陽湖

治西北一百四十里西北抵山陽縣分中流爲界由故晉至喻口北沙入海今分阜邑按漢

書廣陵王有罪相勝之奏奪其射陂草田以賦貧民

陂與湖連漢劉纁樊丹皆封射陽侯射陽湖所從來

遠矣紫冠可三百里爲高寶諸州邑停木之縮出水

之門唐上元中於射陽湖置洪澤屯明嘉隆以後湖

乃漸淤萬歷九年知縣楊瑞雲請發帑三千兩開濬

由廟灣新豐市入海余孟麟重開射陽湖記曰鹽城

蔽長淮而阻於海去縣治一百四十里爲射陽湖山陽寶應高郵興化通泰之水皆瀝於湖由湖人海先是湖水漂流不埤不漬沃原膏土纒纒乎百利可興也歲久填淤諸水叢奔致無以洩水怒田廬既圯舟楫不通環湖居民一望荒墟用是胥戚蓋三十年所矣其有捍患興利者或情狃於便安或事盡於惜費迄無成功邑大夫楊君至乃按行隱度因議上郡守漸次以達於督府督府奉聞報可楊君既受事畫地分工疏濬積淤增葺頽岸蓋合土木金石之工而使水得所壑經始於萬曆九年正月凡九閱月而告成功成徵文於予爰記其開湖始末以告後之君子崇禎四年河決蘇家嘴柳鋪灣新溝建義等處湖復大淤本朝順治初年清水潭屢決湖日淤積康熙二十三年

乘輿

南幸閱視河工憫七邑災傷屢飭會勘挑濬下河海口特命按察使于成龍董其役侍郎孫在豐繼之自宋家舍至岡門凡浚通四十餘里積水稍洩其丁溪白駒草堰等處將次挑濬未幾以侍郎凱音布代之旋撤回康熙三十五年童營衝漫並鄰湖之支流亦塞三十八年

上諭下河現有積水不得不引出歸海將申場何射陽湖

蝦鬚溝一帶挑通引積水流歸海欽此四十五年

孫督蝦鬚溝由是射陽湖出路始開王永吉重浚射

陽湖議云竊照淮揚兩府之民歲苦水災而淮之鹽

城山陽揚之興化高郵寶應江都泰州爲尤甚二十

年中無歲不受水災而六七年來爲尤甚蓋黃河水

溢則勢重南徙淮既避黃以直下若淮泗水溢則力

猛東注淮復引黃而合趨以高寶一線漕河容納南

北兩河滔天浴日之水而下流壅淤無所宜洩水聚

中飽安得不奔潰決堤病漕而害民哉士民苦於水

患因下流不通輒紛紛陳控求開海口殊不知海口

之在泰州興化鹽城界內者如丁溪場白駒場劉庄

場神臺場四口現開原無阻壅若泰州河梁場一口

萬歷十三年本州鄉官林海樓議開地方抗阻鹽城

城東之天妃口天啟六年興化鄉官李碧海議開地

方抗阻凡事有碍於地方知其不可爲而強爲之者

終畫餅耳至於山陽境內之廟灣海口此口空濶實

爲七州縣之尾閘更無一毫阻壅之處夫各處海口

既無阻壅何以水不趨下反泛濫而橫行乎永吉考

之傳記詢之士人乃知射陽一湖全然淤墊中間隔

斷上下不通雖有海口水不東注病溝害民根原在此爲今之計重濬射陽湖直有一日不可再緩者查得鹽城縣志書內載射陽湖在城西一百四十里而接寶應縣界西北接山陽縣中流爲界濬廻約三百里南北淺狹自故晉地方至喻口北流入海東屬鹽城西北屬山陽縣故晉而上至射陽屬寶應嘉隆以來湖乃大淤萬歷九年知縣楊瑞雲申詳具題請發帑金重濬水由廟灣新豐市入海水患稍息民賴以安至崇禎四年淮北蘇家嘴柳鋪灣新溝建義口並決築塞久無成功黃流灌注三年水退沙停支河小港大半壅淤而射陽湖幾化爲平陸矣然湖形現在疏鑿不難有硬沙墊高者亦有泥水夾雜深淺不等者里數不多若合七州縣之力認真實做成功何難約算大概分爲三段其上一段自寶應鹽城界上射陽鎮起至安豐鎮止約長二十五里自安豐鎮至山陽縣東作地方止約長十六七里自東作至河口止約長五里以上係泥水相雜之工自東作至山陽鹽城界上清溝止約長二十里係泥沙旱工此處接連湖面查湖面舊制三十六丈濶今止存三四丈極濶者七八丈耳湖面盡淤安能受水宜裁濶如舊自清

溝至南馬駱一林地方約十五六里長此處亦甚逼
窄鑿之使寬則下流通暢由此入山陽之軌東溝由
溝入滕隴喻口由喻口入廟灣則入於海矣中一段
自鹽城奪基廟起至林上止約十二里長自林上由
舊浦河至馬家蕩止約三十里長自馬家蕩至陶家
林止約十里長以上亦係泥水相雜之工應用鐵口
甬子撈濬其泥用船裝載去尚稍遠庶不再淤此處
舊名蝦溝從此至東尤庄約二十里長則入鬚溝而
水直達於射陽湖矣其西一段則單在鹽城縣境內
舊名東塘河西塘河西塘河自黃土溝起至許家灣
止約二十里長只此淤淺急宜挑濬從此入於樓下
庄唐橋鎮則一路潤澤直達射陽出廟灣入海通行
無碍也東塘河自唐子鎮起至安豐王庄約三十里
長自王庄過界河至大港鎮約二十里長自大港至
九曲河廟止約三十里長從此二十里至古吉寺又
二十里至院道港入滕隴喻口達射陽入廟灣則入
於海矣大約黃自北來淮從西下如人身身喉項廟灣
各口如人身身尾閘而射陽湖則如人身之胸膈腸腹
也若人身日進飲食而胸膈不得通腸腹不能納縱
有尾閘無從消導安得不鬱而病病而至死哉全湖

形勢了然疏浚決排原無難事而坐視淪胥無人肯
救者何也各州縣有司盡於封域未必周知卽或知
之而彼礙此界觀望推諉不肯擔當殊不知所淪沒
者本州縣之田禾所漂洶者本州縣之廬舍築塞溝
壩決口所起派者本州縣之人夫利害相關剝膚切
骨孰大於此又或精神疲於催徵工夫分於獄訟視
此若蠅之勞反爲不急之務殊不知湖淤河決水滿
歲荒死亡流竄上室九空錢糧從何出漕米從何完
差徭從何供贖銀從何納老幼男女粗衣糲食從何
來

國課根本萬民性命舍此別無活路州縣正官急務亦
孰有大於此者奈何不深思也至于治水衙門不肯
著力必謂此係下河不是上河殊不知下河之水不
通則上河之堤必決治湖正以治河表裏原是一事
又必謂河帑不敢輕動日後難於開銷殊不知所淪
者下河之民田所決者上河之溝堤決決年年築塞
築堤月月起夫民間每歲起派人夫或百萬或數十
萬日可憐

朝廷
每年歲銷算錢糧或數萬或數千亦可惜
公私交困何不急圖一舉兩便之策乎

北穿場河

治西北三里其水由以河分支經新與場上岡鎮復繞范公堤東北流七十里至阜甯縣

入射陽湖舊穿場河自劉端浦南有河不通其北並無河道議開久未行乾隆三年

欽差

汪德始挑濬深通一以洩以河之水直達射陽湖一以灌一百二十里從古無河之高田七邑窮黎漁

樵于海繹絡無阻其利甚溥現在又多淤淺不可不急為疏濬

東塘河

治西北五十里其水西南接西鹽河水西北入射陽湖按西鹽河為東塘河之上流二河久

淤乾隆四年估浚時併入東塘河題奏挑浚先是

欽差

汪德首陳三大工先東界河次西鹽河東塘河及廖家港院道港次即北穿場河蒙奏准挑浚深通

西塘河

治西北九十里其水由沙溝北流一百一十里會東塘河由油葫蘆港入射陽湖此河灌溉田

畝甚廣現在自黃土溝至婁

下庄一帶淤淺急宜挑深

馬家港

治西北一百里山寶鹽三邑分界東西三十里南北五十里入射陽湖按郡舊志載射陽湖

淮安府志

卷之八水利

七

在府治東南七十里山寶鹽三邑分界則馬家蕩卽射陽湖之一隅止因湖日淤墊歷次請開俱稱射陽湖後遂以入海之河爲射陽湖而湖身之猶存者均名爲馬家蕩云

以上三河一蕩俱入射陽湖下海而縣境內西北一帶之支河又俱入此三河一蕩

西鹽河 治西北八十里其水由西塘河黃土溝入口東流至新河廟轉北入東塘河 乾隆五年

欽差汪德

挑浚

九曲河 治西五十里傍有龍墩西通鹽河北通東塘河南通新方河入海乾隆十一年知府衛哲治新

勘詳請 總督尹 題 請疏浚以洩民田積水

廖家港 治西北六十里其水自東塘河東流至上岡鎮入北穿場河乾隆五年

欽差汪德挑浚

改名上岡河

院道港

治西北七十五里其水由東塘河東北流至草壩口入北穿場河乾隆五年

欽差

汪德挑浚
改名草壩河

流均溝

治西北一百四十里其水由山陽南門外興文閣下澗河東南流入馬家蕩為澗河尾閘而下

河州縣米薪百貨入郡城之要道鹽阜秋米俱從此運至淮倉候賑歷年久急宜大加疏浚乾隆十一年知

府衛檄縣挑
濬歲著為例

明河道尚書凌雲翼奏疏

疏言維揚古稱沃壤大海環其東諸湖遠于西所賴堤厚

支河通斯田地可耕民窳俱利自范堤坍塌高寶堤亦衝決不守其中大小支河所在淤塞于是以高寶興泰為壑而洩水無路治之之道惟疏上流使入江洩下流使入海沿漕堤一帶之水為上流沿范堤一帶之水為下流如西引邵伯湖之水轉南至新安湖復東入運河至芒稻河入江有餘則聽其直瀉不足則引以濟漕則上流疏矣如牛灣河姜家堰廟灣為三大海口引各支河東會于串場河北會於射陽湖

俱入海則下流淺矣而興化之望于鎮戴家窰海溝
河口駒三十國竄則牛灣之支河也黃土溝皂角樹
至洞門登瀛橋天妃口河則姜堰之支河也安豐鎮
至清備灌鋪則廟灣之支河也今將范堤數十里先
行修築使外潮不得入串場支河六七道盡行疏浚
使內水有所出如支河既通水患如故并開海口置
閘以脩蓄洩
詔從所請

靳文襄公奏疏疏言高寶興泰山鹽七州縣下河田畝
積水沉淪特沛

恩綸大加修治遣臬臣

于成龍專督理又

命臣綜理其事敢不黽勉奮發力圖報效惟是治之之法
宜握要領審全局而曲圖節省也蓋下河海口高昂
而地低于海潮不下五尺從前海潮內灌不可以耕
經宋臣范仲淹築堤以障之堤成而民享其利今若
循先挑海口之議則是引潮內侵與范堤障水之意
相悖治之之法全在束水注海夫內地既卑于海潮
五尺應于內地築堤高一丈六尺以高一丈六尺之
堤自足以束高一丈之水內水既束高一丈則高過

海潮五尺其趨海之勢必速而無流滯之虞隄既高一丈六尺則堤頂高過水面六尺其束水之力必堅而無旁潰之患臣所謂宜握要領者此也築堤束水固爲要計然運河之新舊減水閘壩何止數十處卽下河七州縣之河渠溝港所以承各閘壩之水者何止數十道若不盡行築堤以束各處減下之水則水仍散亂無收一槩興築則其費數倍臣再四籌維查城水壩之最大而多者莫過高郵城南今應將高郵城北并車邏以南邵伯鎮以北之零星閘壩俱行閉塞拆取石料移于高郵城南邵伯鎮南二處改建深底大石閘二座俾洪澤湖城下之水并天長盱眙各山澗之水由高郵城南之南關大壩五里八里柏家墩車邏等壩并新議建之大石閘內洩去十分之八邵伯鎮南已建之減水壩并新議建之大石閘內洩去十分之二邵伯鎮南所洩之水半由芒稻河并通州入江半由串場河入海高郵城南所洩之水應自車邏鎮起築大橫堤一道直抵高郵再自高郵城東起築大堤二道歷興化縣白駒場至海東各閘壩洩水下之水築歸一處直達大洋且必量入爲出甯使出水之地寬大于進水之地使所進之水安流下注而

無擁刷堤工漫潰決裂之虞故內地窪區築堤高一丈六尺之河止寬一百五十丈海灘高地築堤高一丈之河必寬一百八十丈也臣所謂宜審全局者此也至于各工堤堰艱于取土者舊例每方給銀三錢尙有攤缺夯硪之夫在外然三錢一方之土近者不過數里遠者不過一二十里今此堤興築千萬頃汪洋近者數十里見土遠者百餘里見土艱難數倍于尋常則不貲之費從何措處查難築之各工共長六萬三千丈率需土六百零四萬八千方毋論取土之艱數倍常時卽加價一倍而此六萬三千丈工程卽需帑三百六十餘萬兩矣且夫船兩難不知竣工何日臣百計籌畫作就近取土之策其法先定堤基隨用船裝造土于水內築成圍埂其埂出水二尺中間寬三十丈長五十丈圍埂既成一面用草料防護一面將堤內之水車乾然後于離堤基十五丈之外挖土挑至堤基之上密加夯礮築成大堤其堤應築成頂寬二丈底寬十丈高一丈六尺每堤一丈用土九十六方連船裝築埂之土并車水防埂一切大工器具物料以及陰雨食米等項每方止需銀二錢六分六萬三千丈共止需銀一百五十七萬二千四百八

十兩較之尋常估費者約省過半臣所謂曲圖節省者此也臣與于成龍面爲商酌作聚水之形區畫開濬償築諸法除各工六萬三千丈需銀一百五十七萬二千四百八十兩外其餘挑築工程約與舊例相同止于築堤者每方連陰雨食米等項給銀一錢六分連挑帶築以築成堤土爲準每方連陰雨食米等項給銀一錢八分內一自白駒場至海口挑大河二道約長二萬四千丈以挑河之土築成頂寬二丈底寬七丈高一丈之大堤二道每堤一丈用土四十五方連挑帶築每方給銀一錢八分二萬四千丈共需銀一十九萬四千四百兩又自白駒場北至廟灣南歷海安泰州至芒稻河約共築堤十五萬丈其堤大小不等用土多寡不等土方價值一錢六分一錢八分不等共需銀七十六萬八千兩高郵州邵伯鎮南各建大石閘一座白駒場南北兩岸亦各建大石閘一座除拆取廢閘石塊外其添買石塊轉運舊石以及椿木灰米錠錫夫匠工食等項并開旁添建木涵洞二百個分引河流稍殺閘門內建瓴之勢共需銀六萬兩又前工盡完之後上流湖河之水悉由新築水工大河內入海涓滴不能旁洩若遇大旱之年難

皇賜

免禾苗枯槁今創建木涵洞二百個隨時啟閉以資灌溉每個需銀一百兩共需銀二萬兩又水工大堤六萬三千丈地勢最早而河寬水急風浪時侵若不預為保護計一時風起便有束手莫借之虞堤一損失全功盡棄今估將此六萬三千丈工程盡捲四五尺高順埽再加丁頭草橫疊鑲護每堤一丈估用草三千丈共需銀一十五萬三千零九十兩又白駒場至海口共堤二萬四千丈離地勢稍高而河寬水急亦應用草防護每丈需草價銀六錢共需銀一萬四千四百兩以上修治高寶等七州縣下河工程共需銀二百七十八萬二千三百七十兩伏乞敕下部議將所需前項銀兩先撥發一半以便乘時價工餘容臣陸續請撥限三年告竣庶事無誤即可免曠日持久之虞矣

鹽令程國棟縣志跋
鹽邑東連大海西接黃淮能捍海水使內地不為斥鹵者范公堤也近已節次堅修能受下河七州縣積水使由茲注海者射陽湖也舊時鹽邑諸水皆西北匯射陽湖後費

決入淮河堤屢潰射陽淤陸水無去路橫溢散漫沒
及田廬康熙七年以後民困極矣

聖祖仁皇帝屢次南巡目擊昏墊指畫周詳

世宗憲皇帝大興水利

皇上龍飛思患預防俱備命大臣總理下河數十年來相
度地形先後挑濬開穿場界河海溝等河令將泰興
鹽之水就近由草堰劉庄等閘下閘龍港入海開新
官河令江寶興泰鹽之水就近入天妃口下新洋港
入海濬夏梁河蝦鬚溝東塘西鹽等河令山寶阜鹽
之水就近下射陽湖由阜甯入海分派愈多其流愈
捷是以鹽非極洼之田皆漸次可耕然鹽邑境內之
水委也上河之水源也黃水異漲設毛城鋪王家山
等閘壩九座計數十丈減入洪澤助淮恐淮不能容
隨于高家堰設三壩及天然壩計二百餘丈以洩黃
河減入之水是量入爲出以保高堰也洪澤減入高
寶等湖溢入運河恐不能容千金灣閘壩導之下江
外又設涵洞閘壩數十處計數百丈入下河以洩洪
澤減入之水是量入爲出以保漕堤也夫黃減入淮
湖受之淮減入湖及運河受之運減入下河則七邑
田廬受之矣歷來開壩皆以歸海爲說但大壩一開

先泮高郵次泮興化次泮鹽城西南鄉次泮鹽城西北界洪波浩渺茫無涯際所恃以宣洩使歸海者海口爲之也細計海口之數射陽湖寬二十六丈草堰上岡二口寬三丈二尺天妃口寬九丈石碇口寬三丈白駒草堰劉庄三間寬十餘丈河埭丁溪紆遠狹流虛存其名總計其數約五十丈而每日六時潮退則流六時潮長則歇折算通流海口僅二十五丈以二十五丈之海口抵洩積水猶恐不足更益以上河涵洞間壩數百丈之來水廬舍如何不漂洶田畝如何不沉沒量入爲出之謂何豈不以下河爲壑乎是用統而誌之望已飢已溺之仁人援黃淮湖運各設閘壩層遞保障之良法而量度于其間庶下河除昏墊之患鹽邑永受安瀾之福矣

鹽令黃垣水利志敘

或問垣亦知鹽之水利乎應之曰淮匯七十二溪之水滯于洪澤湖

而高堰爲其屏障將出清口而黃河挾萬里奔騰之勢捨故道來匯于此相持由雲梯關入海而運河者又分清口之一支南流入江以濟漕運者也故淮屬號爲澤國每黃淮泛溢高堰不戒則漂没下河在淮

屬則山鹽阜揚屬則高寶興泰皆罹其患而鹽邑又
爲諸邑之尾閼此廣闊海口疏濬支渠視他邑尤急
且邑地卑窪津藪交絡不爲濬治卽西水不來而潦
無宣洩旱鮮溉注爲農田病亦鉅矣乾隆七年古溝
決高寶城幾沒乃急開高郵三滾壩洩之漂沒田廬
民畜無算

上

既發金粟數十萬以賑又時遣大臣會督撫院憲經
畫于是請浚下河築圩堤開三滾壩量其淺深以定
出納固良策哉垣奉役乃歷鹽西河相其土宜以投
經畫其河之經流南曰興鹽界河中曰新官河北曰
東塘河曰西塘河興鹽界河趨劉庄開新官河環城
趨天如閘東西二塘河趨射陽湖其入海之口有三
南曰閘龍港中曰新洋港北曰射陽湖口其紮帶小
河不可紀數曰楊家港須溝池溝旱張溝北橫塘河
畧斜河九曲河東鹽河唐流河廟港溝東官河岡溝
河馬溝俱入新官河曰西鹽河蘆溝河建港鴨蛋港
俱入東塘河馬眼溝九里河曹溝繆家河李家溝晏
蕩溝俱入西塘河又有堤河白鹽河頂岡河入南穿
場河廖家港院道港入北穿場河其澤藪曰大駝湖
曰馬鞍湖曰九里蕩曰馬家蕩其水之歸曰東海障

海堰曰范公堤堤塽間北曰草堰間次北曰上岡間中北曰天妃間中南曰石碓間今更議間數間以析上流海口水之歸也澤藪受上流分諸河者也小河通派利田疇者也范隄防海潮者也治堤諸間散水啟閉者也夫黃淮洪澤高踞上游有治之者矣上流而下壅源合而流不分此治水之大患也深之以藏其氣疏之以殺其勢築堤防以束其性廣置涵洞以平其盈虛其庶幾乎其始費上之計繼則任民之力周禮十夫有溝百夫有洫千夫有澮萬夫有川掌于遂人令民各治其溝洫以利其田畝

皇上

不惜鉅萬帑金以奠東南一隅又奉 諸大人指畫親切司牧者敢不竭力殫智急圖厥成越後每逢農隙董率開浚不然日久稍弛民又爲魚蠶矣按水利志敘黃淮運河源委舛誤其境內支渠亦多掛漏紊亂今爲考訂改正如此

鹽城縣圩岸志敘

乾隆八年 列憲奏准興舉下河水

利復請淮揚等邑修築圩岸頒有條規垣凜視之著爲令美哉表裏相維高深相就經緯相制上惠而不費下勞而不怨民各自爲而相與以

有成斯道盡之矣以垣涉鹽諸河水與地平其田疇
若浮焉下之淤二之潰也故水盈則泛今浚河道卽
以所浚土爲子堰其河港深通舊涯平場者累土立
圩岸旣導之又加防焉不亦善乎其爲圩岸有三一
曰河圩防諸大河者也二曰裏圩防支河澗者也三
曰蕩圩防大蹤九里馬鞍諸湖蕩者也于是有度數
之差有歲時之課鹽田出水其下者尺餘七年高堰
之決水深至六七尺不等大率圩堤出水以高八九
尺爲限其底以廣一丈二三尺爲限初年築高三尺
次年加築三尺高六尺次年又加築數尺共高八九
尺不等三年廼考厥成于是有繁簡之條有大小之
辨其最高者仍之不以土勞民也最汙者棄之不與
魚鱉爭水也外則浚河河泥爲圩內則起溝溝土爲
圩河漲必有滲水滲水納于溝田燥必資灌水灌水
亦蓄于溝其沿大河者築築之濱支河小港者相機
興築有不關宣洩各于水口建立斗門于是有催承
之科有董率之要有賞罰之令每鄉鄉有保每莊莊
有頭每圩設一圩長圩長總數圩甲每圩甲分趣圩
戶治圩各一百丈整以長甲約主佃以保頭糾察長
甲以佐貳巡典分地責成以身先之邑令不時巡諭

度其淺深相其堅疏考其勤惰勤有成成則有賞惰以荒荒則有懲其順逆者亦如之于是有同利之資有倡導之典有交通之義有體恤之仁每圩業主田若干佃者若干因田分堤計田均役主愛其田出以食佃取其粟出以力其賢者訓誨之老成者引導之富有力者補濟之能教助者表之有困不自支者權發社穀以貸之周人以溝澮道塗經界其郊野而親萬民萬民于是乎歡田土于是乎又風俗于是乎成於歲至矣今之撓者曰西水之來滔滔萬頃蕞爾圩岸若蟻封然且百有一缺與無圩者等其奚之能禦垣曉之曰是不然不見范堤之建捍海歷有千年至今賴之去秋北水發有圩者利無圩者病偏阜憂梁之澤巨浪中朱卞二垵獲以全垣從郡憲採驗之汝獨不聞乎則是汝之敢好吾令也垣奉

天子

暨諸大人之命其毋赦治田疇而不治溝塹是養子而失母也治溝塹而不治堤防是驅盜而啟之門也詩曰相其陰陽觀其流泉策河工也又曰于疆于理正圩堤也人情久逸而畏勞樂成而難圖始安近習而不知古法蚩蚩者其奚足與責夫治國若乘舟然長吏爲主振舵者漿師篙工胥受命焉徂目前之

便恃垂成之局忘不測之境吾其濟乎屢年督治朝
久不遑河裏兩圩功將九仞惟蕩之濱水草之所會
也取二爲艱故成次之堤成且種之柳後之治者保
守勿墜更以拓區區所未盡者而補苴之豈惟鹽幸
垣深有厚期焉今河圩長一十八萬三千七百七十
六丈三尺五寸計一千二十里零裏圩長二萬二千
五百一丈三尺計一百二十五里零蕩圩長二萬七
千三百四十七丈二尺計一百五十一里零通計工
十三萬三千六百二十四丈八尺
五寸計一千二百九十六里零

阜甯縣

郭墅河

治西北起王家山通料小河南注長六千五百餘丈入射陽湖因童營決口黃沙漚闊值需潦

田廬湛浸民患苦之乾隆八年奉

旨疏浚口廣五尋趾廣尋有五尺深六尺至八尺計支帑

一萬二千九百四十二兩
建木橋跨河尾以免病涉

大沙河

治西北起通料河舊堤至卞家庄達射陽湖仁義里園田近千頃盡仰此河走停潦焉雍正十

年知縣劉國璽詳請
發帑疏浚今復乾淺

曹溝河

治西北洩畝畝之停潦約七百頃達射陽湖久不治潦田沮洳不治撥帑二萬八百二十餘兩

乾隆八年興役西起運料河袤八千五百三十七丈盡決壅滯民賴其利

章家窪河

治西北舊河多壅造雖有稍深者不能灌輸請帑一千二百餘兩由山邑小茭陵歷阜邑

蘇家嘴入密頭河南出漁濱河口廣五尋趾廣尋有五尺深四尺至六七尺乾隆八年竣工

民命河

治西北傍河民田約七百頃河之塞涸者三千餘丈屢請浚治自蘆鋪抵板溝入射陽湖

民便河

治西自郭家橋抵小沙河形勢窪下田畝若瘠水乾隆八年直督高大學士陳命縣議興修

知縣陳鏞請帑開浚河廣三丈深五尺至七尺達小沙河袤二千五百六十餘丈共費銀二千三百六十

三兩復
爲作記

小沙河

治西自陳家集度工四千一百二十餘丈射陽湖其尾闕也五丈之口下漸削容水六七尺深

廣如此役費六千餘金乾隆八年

工告成田四百餘頃無青歲焉

界溝河

治東北自流泉溝南驚綠城東西水關護城河水來會俱入射陽湖雍正十一年疏浚今復淤

橫溝河

治東北河袤六千餘丈起崗根套訖劉家斷水走注于此入射陽湖積土方三萬餘乾隆十一

年知府衛哲治詳請給帑興役開通兩岸涸出良田無算

放生河

治東北此河運料新河之尾闕也自仁和鎮西北接運料河起兩岸田積水從此河東注釣子

港下射陽湖長六千餘丈估銀九千餘兩乾隆十一年知府衛哲治詳請開通兩岸窪田涸出舟楫百貨通行爲益甚大

九龍河

治東北傍海多鹽場半盆在焉浚河以洩溢聚之水工始於璋清河下通射陽湖四千六百四

十餘丈廣五十尺容水深六七尺徒役銀五千三百八十餘兩乾隆九年訖功

丹溝河

治東南上接東塘河下達射陽湖袤三十餘里舊河梗咽乾隆九年浚廣五尋深七尺兩岸田

不復憂旱淤焉工帑一

萬一千五百九十兩

漁濱河

治南沿河田因河淤澱失溉注利乾隆八年疏請帑一萬一千四百餘兩度工承東塘河之水

量六千七百六十餘丈西出射陽湖深廣一如丹溝河

青溝鎮河

縣西北舊有渡上承漁濱河馬家蕩分流入射陽湖歸海乾隆五年題浚

蘇家嘴河

縣西引黃河夾堤匯洞外洩之水入漁濱河乾隆五年題請挑浚

串場河

射陽南岸南接鹽城草堰口在阜境者計長六十里開浚不久現又淤淺應行疏濬

馬港河

在黃河北岸羊寨地方向洩黃河異漲之水一帶居民受害乾隆七年經欽差周大人親勘

飭令示閉連年民無昏墊之患

清河縣

上中河

自宿遷駱馬湖歷桃源衆興集至清河楊庄間入黃此賴艘入京運道向苦淤淺重運難行間

歲挑漕近年東省水大伏秋泊岸盈堤

時防潰決中河通判經管歲搶二修

下中河

一名鹽河自清河縣中河北岸鹽壩口起歷山陽朱元庄至安東縣迤下平旺河歸潮河入海

此河爲海州板中臨三場引鹽及葦蕩左營租柴運

道康熙二十六年開濬每歲賴船過盡卽放中河開

入鹽河運鹽但堤堰單薄每慮潰

決爲害民田亦歸中河通判經理

六塘河

河自宿遷經桃源至清河分南北二股北股河由沐邑之錢家集沈家集謝家庄楊家庄繞安

東碩項湖北之湯家庄丁家溝庄白皂溝庄由海州

龍清山義澤河入湖河歸海河共長一萬八千七百

四十二丈南股河由清邑之劉家庄韓家庄歷安邑

之古寨華家口蘇家蕩至沐邑之孟家渡武障河入

湖河歸海河共長一萬六千四百五十八丈每遇水

漲泛溢爲災雍正九年題請將兩河淤塞淺狹處

所挑浚深通北股河間段挑挖六千七百九十四丈
南股河間段挑挖六千八百七十七丈乾隆八年奏請加
築兩岸子堰南股河北岸堰長七千五十八丈南岸
堰長七千四百八十七丈北股河北岸堰長三千九
百一十二丈南岸堰長三千四百八十八丈乾隆十
一年題請重修南股河南段工長一萬九千二百
餘丈北股河北岸工長一萬八千二百餘丈而寬一
丈二尺至一丈五尺底寬五六丈高八尺至一丈二
尺建閘涵洞
以備宣洩

便民河

自娘子莊起至永興鎮入張家河歸南六塘河

以河道淺狹難以宣洩更兼地土虛鬆數年來雨水
冲刷泥沙泥坍卸遂漸淤塞每遇霪潦輒至漫溢民田

題請再加挑浚并將尾閘之張家河一併挑挖
通深以資暢洩建磚木橋座于娘子莊張集二處

新河

洩運河與張家
河齊築鹽重運兼

營河

治東北十里胡賢口北其左右皆軍營田故名康熙十年河決七里溝三汊下流沙澱漕般回空者

由新河入營河南經牛邊店出西營湖於淮

富陵河

在洪澤鎮西其源出盱眙塘山山下岡阜重疊谿澗紆紆凡四十里水自高而下至劉家渡入

於淮

沐河

此沐水支流南尾本縣北境入颍泥蕩東流漣河今淤

崇河

其源西接宿遷經本邑崇河集南會沐河東通漣河者今淤

洪澤湖

北萍湖

富陵湖

萬家湖

刀秋湖 以上五湖俱在治東南昔年地近淮河各自爲湖漲溢則與淮通逮萬歷時淮河淤底高遂與淮滙爲一湖卽今洪澤湖一名南湖地連三郡廣袤九十里漁船所集魚鹽商販趨之近時堰高水深漁船散去居民較貧卽舍頭漕嘴一帶薪葦之利盡付波臣矣

凌家湖

夏家湖

全家湖

謝家湖 以上四湖俱在縣治西北因河決淤平

呂家蕩

顧家蕩

官亭蕩 以上三蕩因河決淤平

史家蕩古河

自史家蕩起入包家河

十一年知府衛哲治親勘詳請

督憲尹

公

題請發帑

銀開通

湯家澗溝

治北四十里達於淮按元脫脫征張士誠於

接濟大軍粟數十萬斛因開此河達於淮以餉之後經河決湮廢遺跡尚存

驛路洩水溝

自王家營縷堤趾迄包家河濱驛路為進

不辨轍跡禾苗冒沒旅人農夫交病乾隆八年興役培築大路浚東西溝一萬餘丈分注入鹽河包家河

老湖蕩

護城河

縣南帶黃河北枕中河迴道無垣堞而治內地形窪易積水乾隆八年給帑興浚護城河及引

水溝袤二千餘丈俾積潦注入中河

包家河

自運河堤起穿御路入南六塘河最為寬濶中多淤淺近被附近奸民將河底耕平成田此不

可不嚴行申禁并責令
開濬深通以備宣洩

安東縣

下中河

一名鹽河治北十里自清河縣上中河北岸壩起歷山陽至安東縣為平旺河見下

六塘河

自宿遷桃源至清河分為南北二股經安東南股由五大河入海北股由龍溝口入海雍正九年

年間

段挑浚乾隆八年興役築南北二股兩岸子堰乾隆十一年題請發帑重加修築以衛民田

民便河

治北門木關門外白水關門起由茆良口胡家樓佃湖等處抵响水口入北湖河乾隆八年給帑三萬五千六百兩浚河袤二萬七千三百八十

五丈

建石閘時啟閉跨木橋十四于河上

官河

治北三十里舊唐口十五年挑濬行舟

一帆河

治北三十里西接漣河

平旺河

治東北八十里東通一帆河西接官河濶四丈上洩碩項湖水入過蠻河下海乾隆八年築兩

岸子堰

袤一萬一千四百一十八丈面寬一丈趾廣三丈高三尺至七尺帑五千三百二十一兩

鮑營河 治西首自張家庄歷沙家練湖張官諸蕩由官

蕩出水之尾閘因梗咽蕩水停積上泛西鄉沿蕩田

畝歲常不稔乾隆八年開浚袤一萬四千九百一十

丈面廣五丈至八丈底廣一丈五尺至二丈四尺深

三尺至八尺訖功沮洳之區變為沃壤帑二萬九千

九百八十五兩

荒瀆河 此河壅壅久從袁家庄迤新安荒瀆諸鎮週遭

田畝停潦無所走注禾常冒沒度工銀一萬七

千四百四十餘金開浚河袤七千四百二十五丈抵

三岔口達鹽河歸海面廣六丈底廣二丈深六尺至

一丈慮袁家庄以上地形亢遇雨水稀河不涸

水乏灌溉資建石閘以時啟閉乾隆九年竣工

西河 治西二十里自中河鹽壩至高家溝上三叉河接

上洩黃河之水可淤漫碩項成田至今碩項未淤

而河尾民田時被滄沒巡撫張伯行以劉老澗有關

清安沐海令民公築防水堰堰成而水仍泛溢議者

以為當自劉老澗由沐舊河形浚深築堤經漣河入

海方免
漫溢

尤家蕩河

上承孫家大澗洩下之水積而為蕩向無宣洩之路乾隆十一年知府衛哲治親勘詳請

督憲尹公

題請發帑開浚計長

丈入

南六塘河並于出口建閘名華家口

支家河

治百十五里南通山陽縣新溝達山陽河北關廟北接成子河及中漣河今淤

年工部言淮南開河所開修楚州支家河導漣水與淮通賜名通漣河

漣水

自沐水分流南入縣境在沐陽者曰南漣水入安東者曰北漣水縣志有中漣河東漣河西漣河當

即古之漣水

今皆淤塞

漣河

舊名漣渠唐垂拱中開以通海沂密等州縣志不載此河亦堙廢

碩項湖

治西北一百二十里即石濩湖一名太湖西通沐陽縣桑墟湖東南有關頭河白頭河鹽場河

平旺河分洩入海袤四十里廣八十里沐陽安東各得三分之一約四千五百五十餘頃上通海沐宿諸

水滙入湖四季不涸
今皆陞科爲腴田

南潮河

此河在縣東直達大海洩黃河堤北一帶軍民田內積水因多淤淺以致年年禾苗被淹應亟

請開濬以
救民田

縣志載河湖溝浦蕩名甚多大抵淤涸又已見山

川茲不具載

桃源縣

上中河 清緩鄉自清口出黃河潮流而上至支河口入
運河康熙二十六年河臣靳輔以黃河風濤之
險請自駱馬湖鑿渠歷宿桃二邑至清河仲家庄出
口名曰中河通行運三十八年河臣于成龍自桃源
盛家道口至清河棄中河下段改鑿六十里名曰新
中河三十九年河臣張鵬翻乃于三義壩以下用新
中河之半三義壩以上用舊中河之半合為一河詳
見圖說內乾隆八年桃源中河南北兩岸建涵洞十
座

六塘河

六塘河分洩駱馬湖劉老澗泛漲之水清河界
止河長一萬六千一百三十五丈又至朱家庄

分為南北二股由宿遷駱馬湖三合土分為南北二
股經安東南股由五丈河入海北股由龍溝口入海
河在縣治西北五十里乾隆八年題築南岸子堰長
一萬三百九十三丈北岸子堰長一萬二千三十二
丈頂寬八尺底寬三丈高六尺頻年水勢盛漲多致
冲刷坍塌卸又兼居民盜挖桃清安三邑在在殘缺乾

欽差

隆十一年

高公

制府尹公

題請帑重加修築務極高寬

以禦汎漲北岸自宿邑永濟橋起至北股河共工長

三萬五千餘丈南岸自永濟橋起至南股河共工長

二萬四千一百四十餘丈頂寬一丈二尺至一丈五

尺底寬四五六丈不等高八尺至一丈二尺不等

開壩涵洞數十處以資宣洩按駱馬湖之源則刻

之西之沂與白馬二水合流入上中河濟運每水泛

漲則開上中河北岸鹽壩口分洩入下中河後又挑

六塘河以減駱馬湖異漲並減上中河劉老澗壩下

之水自有此河桃

清安多被水灾

學城積水河

治北三十里洩六塘河堤南積水入清邑包家河乾隆十一年知府衛哲治親勘詳

請督憲尹公題請

發帑開通以利民田

張家庄洩水河

入六塘河長一百六十丈乾隆八年題浚

崔鎮引水河

入六塘河長六百七十一丈五尺乾隆八年題浚

姜家窪引水河

由廖家溝入六塘河長一千九百八十八丈乾隆八年題浚

倪家蕩洩水河

治北三十五里洩上游壩溝本蕩之水達清邑响水口入包家大河長一千九

百五十丈口寬三丈底寬一丈深三四五尺不等乾隆八年題浚

九龍潭洩水河

治西南六十里洩林子等湖之水入泗州境達洪澤湖長九千一百八十丈口

寬三四丈底寬一二丈深二三四尺不等乾隆八年題浚

蔣溝洩水河

房家湖洩水河

此二洩水河在縣治西二十五里洩卜家湖長湖房家湖三處之水入黃蔣溝

河長六百四十八丈房家湖河長四百丈俱口寬三丈底寬一丈深三四五六七尺不等乾隆八年題浚

洩水官河

治北三里通京大路長一萬二千八百零七丈乾隆八年

欽

差大臣陳

周

高

會同

督河撫三院勘挑兩傍

洩水官溝南溝長八千三百二十丈北溝長一萬三

千一百零八丈口寬一丈

五尺底寬五尺深四尺

紫林集攔湖堤

治西南二十五里防洪澤湖水泛漲長一千六百四十四丈頂寬二丈底寬七

丈五尺高九尺建涵洞四座洩

堤內積潦乾隆八年題築

陸家壩攔湖堤

治東南四十里防洪澤湖水泛漲長一千六十六丈頂寬二丈底寬七丈高九

尺建涵洞二座

宜洩堤內積潦

安河

治西七十里在馬牙湖北接歸仁南通洪澤夏秋水漲河不能容乃泛溢於相家窪吉家湖一帶

白洋河

治西六十里上通汴河下達黃河東屬桃源西屬宿遷

崇河

治北四十里

夾河

治北衆興集

後河 治北二十里上通
六塘河下通海口

禿尾河 治北十
五里

小崇河 在河頭集水
自宿遷灌入

砂礪河 在川城北由駱家馬湖水冲通
下松樹張口經沐陽至海

程子河 治南七十里長五里南
至泗州北至陸家嘴

邵家湖 治西南
七里

西湖 治西
五里

谷庄湖 治西南
四十里

佃湖 治西南六十里舊
傳石崇開以灌田

王化湖 治西二
十里

柴林湖

治西二十里與王化湖相連

馬牙湖

治西五十里

長湖

治西五十里

房家湖

治西二十里與長湖連中隔一埂

教場湖

治西北二里

倉基湖

治南七里通淮

靈城湖

治北十五里

赤鯉湖

治北七十里老鸛汀之南通漣水入于河

白馬湖

治東北三十里

水晶湖

治東北四十里

大莊湖

治東南三十五里積水
不涸通于家溝入河

馬廐湖

治東南三十里

杜邨湖

治東南三十里通淮

卜家湖

治西南十里

錫底湖

治西十里

墩子湖

治東北二十里

姚家蕩

治北六十里在川城

董墩蕩

在川城北

羅家蕩

治北三十里在川城

烏龜蕩

治東北七十里

五里溝

治南五里

三里溝

治西六十里

蔣溝

治西十里通長湖之水入河

伍家溝

治西二十里

龍溝

治北二十里

響水溝

治北五十里

拖犁溝

治西北洋河南

鴨溝

治西南六十里在界頭集長五里通洪澤湖

劉老澗

上接承運河下入六塘河計長二十餘里分洩運河異漲之水西岸屢宿遷東岸屬桃源向無

子堰每遇水發直灌運河六塘兩堤之間滄沒民田無筭乾隆十一年知府衛哲治親勘詳請督憲尹

公題請發帑
築堰永護民田